



14 ЯНВАРЬ – ВАТАН ҲИМОЯЧИЛАРИ КУНИ

Муқаддас меҳробдан боқаркан онам,
Пойида тиз чўкиб тургандек бўлдим.
Ҳеч кимга ҳеч қачон бўлмагай қарам,
Она юрт қошида тиз чўккан ўғлон,
Энг улуғ қасам бу онага қасам,
Энг буюк қасам бу – юртга бегумон!

Иқбол МИРЗО



Олимжон БЕРДИЕВ олган суратлар.

O'zLiDeP ФРАКЦИЯСИ ФАОЛИЯТИ

САРҲИСОБ ҚИЛИНДИ ВА ГАЛДАГИ РЕЖАЛАР БЕЛГИЛАНДИ

Ниҳоясига етган 2022 йилда парламент қўйи палатасидаги O'zLiDeP фракцияси томонидан партия электорати манфаатларини ҳимоя қилиш, сайловолди дастурида илгари сурилган ғоя ва ташаббусларни амалга ошириш, ишбилармонларнинг ҳуқуқларини таъминлаш, тадбиркорлик соҳасини тартибга солувчи норматив-ҳуқуқий ҳужжатларни такомиллаштириш бўйича аниқ ва тизимли ишлар амалга оширилди.



Yangi O'zbekiston taraqqiyoti uchun birlashaylik!

O'ZLIDEP
ИҶТИМОИЙ-СИЙOSIY GAZETA

www.21asr.uz @XXIasrofficial Gazeta 2004-yil 1-yanvardan chop etila boshlangan

12-yanvar 2023-yil 2



ШУКУҲ

МИНГИНЧИ ДИЙДОР

**XXI аср...
“XXI asr” ижтимоий-сиёсий
газетаси...
2004 йил 1 январдан
чоп этила бошланган!**

Шу йилнинг кузида ташкил этилганга 20 йил тўлаётган Тадбиркорлар ва ишбилармонлар ҳаракати – Ўзбекистон Либерал-демократик партиясининг асосий наشري бўлмиш бу кутлуғ даргоҳда ўзбек адабиёти ва журналистикасида мактаб яратган таниқли ижодкорлар ҳам ишлаганидан фахрга тўлади одам. Ўзбекистон халқ шоири Ҳалима Худойбердиева, Ўзбекистон халқ ёзувчиси Тоҳир Малик, Ўзбекистонда хизмат кўрсатган маданият ходимлари, адиб Абдуқайюм Йўлдош, журналист Тоҳир Мирҳодиев, “Меҳнат шухрати” ордени соҳиби Темир Абдурахмонов, Ўзбекистонда хизмат кўрсатган журналист Норқобил Жалилов... бу рўйхатни яна давом эттириш мумкин. Айниқса, газетанинг ташкил этилиши ва шаклланишида фидойиллик кўрсатган ва кўп йиллар бош муҳаррир бўлиб ишлаган иқтидорли қаламкаш Миродил Абдурахмонов, тажрибали ижодкорлардан Носир Тошев, Зухриддин Исомиддинов, Холмўмин Маматрайимов, Тоҳир Шомуродов, Абдували Соибназаров, Иқбол Қўшшаева, Қажрамон Сайдалиев, Солижон Зоиров, Улуғбек Юсупов, Пиримуқул Дустаматов, Феруза Эгамова, Зиёда Акбаркулова, Шаҳзод Назаров, Зиёдулла Мўминов, Ҳосил Каримов, Абдуғаффор Омонбоев, Шухрат Охунжонов, Ориф Улмавов, Аслиддин Алмардонов, Келдиёр Жўрақулов, Беҳзод Қобулов, Сайфулла Икромов ва яна бошқа юзлаб ҳамкасбларимиз номларини фахр билан тилга олиш мумкин. Уларнинг қан-

часи ОАВ ва жамиятимизнинг турли нуфузли соҳаларида ҳалол хизмат қилаётир. Айримлари кексалик гаштини сураётган бўлса, баъзилари, минг афсуски, тақдир экан-да, бугун ора-мизда йўқ. Утганларни Оллоҳ раҳмат қилсин, илоҳим!

Бугун, бизнинг газетамизга ҳам бошқа босма нашрларни қийнаётган муаммолар бегона эмас. Ижодий муҳитнинг суस्ताшуви, кадрлар тақчиллиги, обуна жараёнидаги айрим тўсиқлар, почта, матбуот тарқатиш тизимидаги ечимсиз қолаётган бошбошдоқликлар, босмахона, қоғоз харажатларининг кескин ошиб кетаётгани... буларнинг барчаси ҳар қандай таҳририятни боши берк кўчага олиб кириб қўйиши турган гап.



Лекин ҳар қандай шароитда ҳам таҳририятни муассис сифатида ҳар доим қўллаб-қувватлаб келаётган Ўзбекистон Либерал-демократик партияси Сиёсий Кенгаши Ижроия қўмитаси раҳбарияти, вилоят, туман кенгашлари, шунингдек, парламент ва маҳаллий кенгашлардаги депутатлар, ҳудудлардаги фаол бошланғич партия ташкилотлари аъзолари, зиёлилар, тадбиркор ва фермерларга самимий миннатдорлик билдираимиз.

Насиб этса, шамолдай утаётган югуриқ йиллар ва залворли асрлар силсиласида бу газета ҳам халқимизнинг қувонч-ташвишларига ҳамisha шерик, ҳамроҳ, дилдош бўлиб қола-гини истаимиз.

**Ақтам ХАИТОВ,
Олий Мажлис Қонунчилик
палатаси Спикери ўринбосари,
O'zLiDeP Сиёсий Кенгаши Ижроия қўмитаси раиси:**

Бугунги кунни, умуман, бетакрор ҳаётимизнинг ҳар бир лаҳзасини, қайноқ жараёнларни оммавий ахборот воситаларисиз тававур қилиб бўлмайди. Бу табиий ҳолат. Айниқса, XXI асрда дунё ахборот майдонини интернет ёки ижтимоий тармоқлар, кундалик ва ҳафталик босма нашрлар эгаллаб турган бир пайтда бугун ўзининг 1000-сонини чоп этаётган “XXI asr” ижтимоий-сиёсий газетаси учун ҳам бу унутилмас саналардан бири бўлиб қолади. Чунки мамлакатдаги нуфузли сиёсий партиянинг ўзига хос кўзгуси сифатида неча ўнлаб долзарб ва ҳаётий мавзуларни дадил кўтариб чиқаётган ушбу нашр ҳам жиддий синовларни бошдан кечириётгани ҳақиқат. Таъсисчи сифатида таҳририятни, аввало, иқтисодий жиҳатдан, қолаверса, фидойи, қалами ўткир ижодкорларни ҳар томонлама рағбатлантириш, кўмак бериш партия раҳбариятининг асосий вазифаси деб ҳисоблайман. Шу маънода янги йилни кўтаринки руҳда кутиб олган ижодий жамоа ўзининг кўп йиллик содиқ ўқувчилари ҳамда сафида бир миллиондан кўпроқ юртдошларимизни яринлаштириб турган Ўзбекистон Либерал-демократик партияси аъзоларининг узоқ йиллар энг яқин маслақдоши, кўмакчиси, кўнгил ҳамроҳи бўлиб қолишини тилайман.

Бу ҳали чегара эмас. Халқимизнинг барча ёшдаги қатлами вакиллари, жумладан, партияимиз фаоллари, зиёлиларга ушбу газетамизнинг миллионинчи сонларини ҳам муталаа этиш насиб этсин!





Эркин АБЗАМ,
Ўзбекистон халқ
эъзвучиси

“XXI asr” мингга кир... и-я, мингинчи сонини чиқараётми! Демак, муштарийлари билан минг марта узоқлашган. Демак, уларнинг кўнглини қолдирмагандирки, мингинчи бор чоп этилаётми. Офарин!
Камина ана шундай “вафодор” муштарийлар сафидан десам лоф бўлади. Аммо “туйбола”миз саҳифаларини безаган энг доврўкли материаллардан доим хабардорлигини айтиб фахрлансам арзийди. Янги аср билан ҳамқадам бораётган, миллий ва жаҳон журналистикасининг шоён илғор анъаналарига содиқ бу нашрнинг серғайрат бош муҳаррир бошлиқ доврўрак, изланувчан жамоасига ҳамиша ҳавас билан қараганман. Бундан бу ёғига ҳам буш келмагайсизлар, ҳамкасб дўстларим! Ҳўқиманган ғўфил ўзидан кўрсин, биз эса ўқийверамиз газетангизни!
“XXI asr” номи ўзгаргунча – XXII асрга қадам кўйилгунча бор бўлсин, яшасин, яшасин!



Адҳам ШОДМОНОВ,
Олий Мажлис Қонунчилик палатаси депутаты,
O'zLiDeP фракцияси аъзоси

Мен O'zLiDePнинг биринчи аъзолариданман. Демак, бу газета ҳам шахсан мен учун ғоят қадрдон ва дилдош десам янглишмайман. Ҳеч эсимдан чиқмайди. Янги тузилган партия энди тетаполя бўлаётган кезлар эди. Мен эса ушбу сиёсий куч Сиёсий Кенгаши Ижроия қўмитаси раисининг биринчи ўринбосари бўлиб ишлаётгандим. Қалами ўткир журналист Тоҳир Мирҳодиев уч-тўртта савол билан мурожаат этди. Ҳали мамлакат сиёсий аренасида танилиб улгурмаган бу партиянинг шаклан ва мазмунан тақдирини ҳақида таҳмин қилиш мушкул эди. Ташкилий, ҳуқуқий, ижтимоий омилларни чуқур ўйлаб кўриб, саволларга жавоб изладик ва 2004 йилнинг 15 январидида “Биз учун сон эмас, сифат муҳим” деб номланган суҳбатимиз босилиб чиққан. Вақтни, умрни қаранг, бир пасда 19 йил шамолдай ўтиб кетибди.
Фурсат ғанимат деганларидек, бугунги кўтлуғ сана билан севимли газетамиз ижодий жамоаси ва унинг кўп минг сонли ўқувчиларини чин юракдан кўтлайман.

Хуршид ДЎСТМУҲАММАД,
Олий Мажлис Қонунчилик
палатаси депутати, аъзвучи




“XXI asr” – кўнглимга яқин газета. Унинг бирорта сонини қолдирмай ўқиб бораман. Бунинг сабаблари кўп.
Мамлакатимизда 2003 йилда Либерал-демократик партиянинг ташкил топиши ҳам сиёсий, ҳам тарихий нуқтаи назардан улкан воқеа эди. Миллий мустақиллигимизнинг рамзи, тимсоли ўлароқ чуқур маънога эга эди. Ўзбекистон ер юзидида дориломон ҳаёт кечираётган энг етакчи давлатлардаги ижтимоий-сиёсий-иқтисодий тараққиётга олиб борувчи ислохотлар йўлини танлаганининг ўзига хос далолати эди бу!
Либерализм ва демократиянинг муҳимдан-муҳим вазифаларидан бири жамяят ҳаётини ўзгартиришда давлат иштирокини камайтириш ва шахс омили – фуқароларнинг фаол иштирокини узлуқсиз ошира боришда акс этмоғи зарурлиги аён ҳақиқат. Ҳаётда мураккаб бўлган мазкур эзгу ниятни амалга ошириш борасида бизда эволюцион, яъни вазминлик йўли танлангани ҳам ҳеч кимга сир эмас. Шу нуқтаи назардан сиёсий партиянинг босма минбари бўлмиш газетанинг ўшанда “XXI asr” дея номланиши ниҳоятда рамзий маънога эга бўлганди деб ўйлайман. Бу – танланган йўлда нималарга эришамиз, қандай натижаларни кўлга киритамиз – ҳаммаси XXI асрда рўй беради, дегандидир.
Буни қарангки, XXI асрнинг ҳам салкам биринчи чорағи ортда қолмоқда, “XXI asr” газетасининг эса 1000-сонни кўлимизда! Газетанинг илк сонини кўлма-кўл ўқиганларимиз, қувонганларимиз ёдимизга тушиб турибди бугун.
Газета партия фаоллари, аъзолари, хайрихоҳлари ва мухлисларини бирлаштириш, жиқлаштириш, йўналтириш борасида катта вазифаларни адо этмоқда. Салмоқли чиқишлари, амалий тақлифларга бойлиги ҳамда самимияти билан яна ва яна кўллаб замондошларимиз кўнглига йўл топарверсин.

1000 - ДЎЙДОР



Қўлман ОЧИЛ,
Ўзбекистонда хизмат
кўрсатган журналист

Қаерда, қайси лавозимда ишламайин, пешонамга ёзганидан айрилмайман: газета-журнал ўқимасам туролмайман. Ҳаммасини эмас, албатта. Танлаб, саралаб, ўйлаб. “XXI asr” – ана шундай тўтиёлардан бири.
Ўзим аҳён-аҳёнда у-бу нарса ёзиб турганим учун эмас. Ранги-рафтори чиройли, замонавий. Энг нуфузли фирқанинг расмий нашри бўлса-да, тили халқона, жайдари, самимий. Ўқилиши ёнгли. Материаллари дадил. Журналистлари журватли.
Мингинчи сони чиқаётган бундай газетанинг миллиончи сонини ҳам ўқигинг келаверади. Бу ноосон йўлда қадрли ҳамкасбларимга куч-ғайрат, қўт-барака ва омад тилайман!



Миродил АБДУРАҲМОНОВ,
“Миллий тикланиш” газетаси
бош муҳаррири

2003 йилнинг 7 октябрида – партия ташаббускор гуруҳининг давлат раҳбари билан учрашувидан кейин янги газетанинг мақсад ва вазифаларини белгиллаш, энг аввало, тadbirkorлар манфаатини ҳимоя қилиши кўзланаётган нашрга ном танлаш вазифаси кўйилганди. Таклиф этилган 33 та вариант орасида “Аср” номи ҳам бор эди. Ниҳоят, “XXI аср” танланди! Ва кўп ўтмай, партиянинг I съезди очиладиган кун – 2003 йил 15 ноябрда газетанинг нишонна сони чоп этилди.
Очиғи, ўшанда янги нашрнинг ташкили ва ижодий фаолиятини жуда қисқа муддатда шакллантиришда таниқли олим, файласуф Қиёмиддин Назаров, сиёсатшунос Абдулазиз Абдуллаев, журналист-ношир Баҳодир Умаров, тарихчи ва сиёсатшунос, айни пайтда O'zLiDeP Сиёсий Кенгаши Ижроия қўмитаси раиси ўринбосари бўлиб ишлаётган Бахтиёр Якубов, фидойий инсон Шўҳрат Нургитов, саховатли тadbirkor, кўп йиллардан партия ижроқўми аъзоси бўлган Аббосхон Аҳмедовнинг беминнат ёрдамлари катта бўлганини бугун эътироф этмоқ лозим.
Журналист халқнинг кўнгли қачон тўлади? Қачонки, меҳнати қадр топса ёки кўтарган муаммоси ижобий ечим топса, жамоатчилик эътироф этсагина, рухланади, янги-янги мавзулар излайди. Шу маънода бугун мамлакат ОАВ орасида ўз йўналиши, услуби, мавзулар танлаши билан ажралиб турадиган “XXI аср” газетасининг мингинчи сони чоп этилгани матбуотимиз учун ҳам ўзига хос шуқуқли санадир. Қаламининг ўткир, сўзининг уқтам этилиши, қадрли ҳамкасблар!



Мухлиса АКРОМОВА,
O'zLiDeP Сиёсий Кенгаши аъзоси, тadbirkor

Бундан қарийб 20 йил аввал Тadbirkorлар ва ишбилармонлар ҳаракати – Ўзбекистон Либерал-демократик партиясини тузиш ташаббускори гуруҳи аъзоси бўлганимдан бир умр фахрланаман. Негаки, ўшанда ҳақиқатан ҳам мамлакатимиз сиёсий ҳаётини тарихий воқеа рўй берган эди.
Орадан кўп вақт ўтмай, партия томонидан таъсис этилган “XXI asr” ижтимоий-сиёсий газетаси чоп этила бошланди. Журналистлар меҳнати нақадар оғир ва машаққатли эканини яқши биламан. Чин маънода игна билан қудуқ қазийдиганлар кимлар деб сўрашса, ҳеч иккиланмасдан ана шу соҳа вакилларини айтган бўлардим. Бир сўз билан айтганда, бу газетанинг кўп йиллик ўқувчиси ва обуначиси сифатида тахририят ишдорларига машаққатли меҳнатлари роҳатини кўриб юришларини тилайман.



Мухлиса АКРОМОВА,
O'zLiDeP Сиёсий Кенгаши аъзоси, тadbirkor

Бундан қарийб 20 йил аввал Тadbirkorлар ва ишбилармонлар ҳаракати – Ўзбекистон Либерал-демократик партиясини тузиш ташаббускори гуруҳи аъзоси бўлганимдан бир умр фахрланаман. Негаки, ўшанда ҳақиқатан ҳам мамлакатимиз сиёсий ҳаётини тарихий воқеа рўй берган эди.
Орадан кўп вақт ўтмай, партия томонидан таъсис этилган “XXI asr” ижтимоий-сиёсий газетаси чоп этила бошланди. Журналистлар меҳнати нақадар оғир ва машаққатли эканини яқши биламан. Чин маънода игна билан қудуқ қазийдиганлар кимлар деб сўрашса, ҳеч иккиланмасдан ана шу соҳа вакилларини айтган бўлардим. Бир сўз билан айтганда, бу газетанинг кўп йиллик ўқувчиси ва обуначиси сифатида тахририят ишдорларига машаққатли меҳнатлари роҳатини кўриб юришларини тилайман.

ФИДОЙИ ПАРТИЯДОШЛАРИМИЗ



ЮРТНИ ГУЛГА, ҲАЁТНИ НУРГА ТЎЛДИРИШ МУМКИН

ЎЗБЕКИСТОННИНГ “ЭНГ НАМУНАЛИ ИШ БЕРУВЧИ АЁЛ”И СУРАТИГА МУХТАСАР ЧИЗГИ

Турмуш тарзимидан беихтиёр ўрин олиб, дунёқарашимизда мустақамланган тушунчалар ҳаётини ҳақиқатни аниқлашда аслида. Инсон қадри ва одамзотга эътибор янглиғ тушунчаларнинг ўзаро уйғунлиги эса олиб борилаётган ислохотларнинг маъно-мазмунини ҳис қилишда муҳим аҳамият касб этади.

Ўз навбатида, ўтаётган кундан рози бўлиб, эртасига ишонч билан қарайдиган кишилар ана шу ислохотлар муваффақиятини таъминлайди. Айнан уларнинг астойдил ҳаракати ила таклиф этилаётган янгиликлар ва амалдаги ўзгаришларда ҳамонанги юзага келади.

Жиззах вилоятида “Гулчи опа” номи билан танилган ишбилармон партиядошимиз юқоридаги фикрларга таяниб фаолият юритади. Юртни гулга, ҳаётни нурга тўлдиришни мақсад қилган Шарофат Нориева “Гулчи опа томорқа хизматлари” МЧЖ кластери раҳбаридир. Шунингдек, Халқ депутатлари Шароф Рашидов туман кенгаши депутати, “Олмачи” МФЙдаги ҳоким ёрдамчиси сифатида ҳам аҳолини тadbиркорликка жалб қилиш, уларнинг бандлигини таъминлаш нақадар катта аҳамиятга эга эканини яхши билади.

Оилавий бизнесни ўз ҳовлисида гул етиштиришдан бошлаган Шарофат опа даставвал “Холмунинов Зоҳид” кўп тармоқли фермер хўжалиги, 2020 йилда эса “Гулчи опа томорқа хизматлари” кластери фаолиятини йўлга қўйди. Айна пайтда кластерда 129 киши доимий иш билан таъминланган. Шуларнинг 90 нафарини

хотин-қизлар ташкил этиши аҳамиятга молик.

Яқинда Шарофат опамиз яна бир катта лойиҳани бошлади: банкдан бир миллиард кредит маблағи олиб, хотин-қизларни касб-хунарга йўналтириш мақсадида 100 ўринли ўқув маркази ҳам ташкил этилди. Уни тамомлаган аёллар чорвачилик, паррандачилик, гулчилик, кўчатчилик йўналишларида ишлашгапти. Уларни қўллаб-қувватлаш мақсадида кластер томонидан гул кўчатлари, паррандалар ва бошқа маҳсулотлар бепул берилляпти. Яна бир эътиборли жиҳати шундаки, тadbиркорнинг иш тажрибасини Фарғона, Самарқанд, Наманган ва Тошкент вилоятлари хотин-қизлари келиб ўрганишмоқда.

Мамлакатимизда эл фаровонлиги йўлида қилинган фидокорона меҳнат ҳеч қачон эътибордан четда қолмаган. Жумладан, Шарофат Нориеванинг Президентимиз фармони билан “Шухрат” медали ҳамда “Меҳнат шухрати” ордени билан тақдирлангани фикримиз далилидир. Дарвоқе, 2022 йилнинг охирида Ўзбекистон Касаба уюшмалари федерацияси томонидан ўтказилган “Энг намунали иш берувчи аёл” кўрик-танловида Шарофат опа ғолиб деб топилди, “Gentra” автомобили билан мукофотланди.

ЎзLiDePдан сайланиб, электоратнинг олқишига сазовор бўлаётган қалбидарё, ҳақиқий юрт фидойиси бўлган депутатимизнинг барча муваффақиятлари замирида, энг аввало, халқларварлик ва Ватанни чин юракдан севиш каби бебаҳо туйғулар ётибди.

Саида УМАРАЛИЕВА,
ЎзLiDeP Жиззах вилоят кенгаши
“Аёллар қаноти” гуруҳи раҳбари

СВЕТОФОР АХИЙРИ ИШЛАДИ-Я...

ЎзLiDeP Сиёсий Кенгаши Ижроия қўмитаси Ёшлар билан ишлаш бўлими ташаббуси билан “ЎзLiDeP Yoshlar minbari” телеграм гуруҳи ташкил этилган бўлиб, унинг асосий мақсади ёшларнинг муаммоларини ижобий ҳал этиш ҳамда уларнинг таклиф-мулоҳазаларини ўрганишга қаратилган.

Сирдарё вилояти Гулистон туманида истиқомат қилувчи Жавлон Хусанов ушбу телеграм гуруҳига Шодлик массивига киришга ўрнатилган светофорнинг ишга тушмагани юзасидан мурожаат йўллаган эди.

Мурожаат партия Сиёсий Кенгаши Ижроия қўмитаси Ёшлар билан ишлаш бўлими муdiri Жамшид Жалолов, вилоят



кенгаши бўлим муdiri Х.Жабборов, партия Гулистон туман кенгаши раиси, депутат Н.Хусанов ва тегишли масъуллар иштирокида жойига чиққан ҳолда ўрганилди.

Мутасаддилар ва Гулистон тумани йўллардан фойдаланиш унитар корхонаси бошлиғи Ж.Раҳимқуловнинг саъй-ҳаракатлари билан мурожаат ижобий ҳал этилиб, светофор ишга туширилди. Бундан мурожаатчи ҳам, маҳаллий аҳоли ҳам мамнун.

Элёр ЖўРАЕВ,
ЎзLiDeP Сирдарё вилоят кенгаши
бўлим муdiri

ТАРАҚҚИЁТ ТАЪЛИМ БИЛАН БОШҚА ЙЎЛ ЙЎҚ



ЎзLiDeP Олмазор туман кенгаши раиси, Халқ депутатлари Олмазор туман кенгашидаги партия депутатлик гуруҳи раҳбари Анваржон Шермуратов ташаббуси билан тумандаги 243-умумтаълим мактабда “Таълим ва тарбия: янги имкониятлар” мавзусида тadbир ташкил этилди.

Унда Президентимиз Шавкат Мирзиёевнинг Олий Мажлис ва Ўзбекистон

тон халқига йўллаган Мурожаатномасининг мазмун-моҳияти ҳамда қайд этилган долзарб мақсад ва вазифалар тўғрисида иштирокчиларга батафсил маълумот берилди.

Сўзга чиққанлар “Инсонга эътибор ва сифатли таълим йили”да инсонни шарафлаш, унинг қадри, шаънини олий қадрият билиш, орзу-ниятларини амалга ошириш йўлида таълимнинг аҳамияти беқиёс эканини таъкидлади.

Кейинги йилларда таълим-тарбия тизимини ривожлантириш, ўқитувчи касби-

нинг мақомини ошириш, педагоглар салоҳиятини кўтариш, улар учун муносиб шарт-шароитлар яратиш борасида қатор ишлар амалга оширилгани ва бу ислохотлар изчил давом этаётганидан кўзланган мақсад ҳам аслида тараққиётга эришиш, инсон қадрини юксалтириш эканига ургу берилди.

Тadbир қизгин савол-жавобларга бой тарзда ўтди.

ЎзLiDeP Тошкент шаҳар кенгаши
матбуот хизмати

ФАХРИЙ САФДОШЛАРИМИЗ



Шу йил ЎзLiDeP ташкил қилинганга роппа-роса йигирма йил тўлади. Д.Азизова эса партиянинг воҳадаги илк қалдирғочларидан бири ҳисобланади.

Ҳали-ҳали эсимда. Дилором опани ишбилармон доиралар манфаатини ҳимоялашни мақсад қилган янги сиёсий куч фаолиятини бошлагандан

Либералларнинг Дилором опаси

бери яхши танийман. Аниқроғи, қаҳратон пайтида муздек хонада биргалликда ишга киришганмиз.

Ушанда партиянинг Қашқадарё вилоят кенгаши учун иккита хона, биттагина компьютер ажратилганди. Тadbиркор Маҳмуд Сайдалиев кенгаш раиси этиб сайланганди. Мен газета муҳбири бўлсам-да, кенгаш ходимлари билан жойларга чиқиб, ғоявий-сиёсий тadbирларда бевосита

қатнашардим. Эътиборлиси шундаки, Дилором Азизова ҳам вилоят кенгаши раисининг биринчи ўринбосари, ҳам мафкуравий тарғибот-ташвиқот ишлари бўлими муdiri, ҳам кенгаш ҳузуридаги Сиёсий таълим маркази раҳбари вазифаларини бир вақтда бажарарди.

Вилоятда ҳудудий кенгашлар ва бошланғич партия ташкилотларини шакллантириш, аъзоларнинг билим ва малакасини оширишга муносиб ҳисса қўшган Дилором опа, айниқса, Сиёсий таълим маркази фаолиятини самарали йўлга қўйишда беқиёс хизмат кўрсатди.

Марказда ҳар ойда икки марта давлат ҳокимиятининг маҳаллий вакиллик органларидаги депутатлик гуруҳлари раҳбарлари ва аъзолари учун изчил ўтказилган семинар-

ларда депутатлик гуруҳлари билан ишлаш тизимини такомиллаштириш масалалари кўриб чиқиларди. Партиядан сайланган депутатларнинг жамиятга таъсир кучини ошириш, уларнинг электорат олдидаги обрўсини кучайтириш, сиёсий фаоллигини кенгайтириш, давлат ва жамоат ташкилотлари билан алоқаларини мустақамлаш юзасидан ўша пайтда амалга оширилган ишлар тафсилоти битта китобга ҳам сиғмасе керак, назаримда. Ҳар бир ҳудудга хос камчилик ва нуқсонларни аниқлаш, ечимини кутаётган ижтимоий-иқтисодий муаммоларнинг сабабини ўрганиш катта масъулият талаб қиларди. Дилором опа депутатларни ана шу мақсад йўлида бирлашишга ундаи баробарида маҳаллий бошқарув идораларига сайловчиларнинг

мурожаатларини олиб чиқишга ҳам улгурарди.

ЎзLiDeP Қашқадарё вилоят кенгашида “Аёллар қаноти”ни шакллантиришда ҳам опа бор тажрибасини ишга солди. Жойларда хотин-қизларнинг ижтимоий-сиёсий фаоллигини ошириш, уларнинг бандлигини таъминлаш орқали мамлакатда амалга оширилаётган ислохотларда фаол иштирок этишга чорлаш куруқ сўз билан бўлмасди, албатта. Партиянинг бу борадаги истиқболли лойиҳаларини тарғиб қилиш ва амалиётга муваффақиятли татбиқ этишда Д.Азизованинг маҳорат ва иқтидори қўл келди. Натижада қисқа фурсатда юзлаб хотин-қизлар унга эргашиб, Ўзбекистон Либерал-демократик партияси сафига қўшилдилар.

Бугун биргина вилоятдаги пар-

тия аъзолари орасида мингдан ортиқ тadbиркор ва ишбилармон аёллар бор. Улар Дилором опани ўзларининг устози деб билишади. Яна бир хайрли томони, бу куюнчақ аёлнинг ташаббуси билан вилоят кенгаши фаолиятига бағишланган “Янги замон одамлари” китоби ҳам чоп этилган.

Ҳозирги кунда пенсияга чиққан Дилором Азизованинг қарийб йигирма йиллик партиявий фаолияти барча сафдошлар учун ўзига хос мактаб вазифасини ўтамоқда. Бугунги ёш сиёсатчилар опадан маслаҳат сўраш учун мунтазам кўнғироқ қилиб туриши ҳам вақтида қилинган меҳнатнинг тотли мевасидир аслида.

Сайфулла ИКРОМОВ,
“XXI asr” муҳбири

